

**БОСНА И ХЕРЦЕГОВИНА**  
**ПАРЛАМЕНТАРНА СКУПШТИНА**  
**БОСНЕ И ХЕРЦЕГОВИНЕ**

**ДОМ НАРОДА**

Уставноправна комисија



**BOSNA I HERCEGOVINA**  
**PARLAMENTARNA SKUPŠTINA**  
**BOSNE I HERCEGOVINE**

**DOM NARODA**

Ustavnopravna komisija  
Ustavnopravno povjerenstvo

---

Broj: **02/1-50-8-22-15/16**

Sarajevo, 23. 2. 2016.

**ORIJENTACIONI RADNI PLAN**  
**USTAVNOPRAVNE KOMISIJE**  
**DOMA NARODA**  
**PARLAMENTARNE SKUPŠTINE BiH**  
**ZA 2016. GODINU**

Sarajevo, 2016. godine

Na osnovu člana 55. Poslovnika Doma naroda Parlamentarne skupštine BiH („Službeni glasnik BiH”, br. 58/14, 88/15 i 96/15), Ustavnopravna komisija Doma naroda Parlamentarne skupštine Bosne i Hercegovine (u daljnjem tekstu: Ustavnopravna komisija) je na 16. sjednici, održanoj 23. 2. 2016. utvrdila

## **Orijentacioni radni plan Ustavnopravne komisije za 2016. godinu**

### **1. Nadležnosti Ustavnopravne komisije**

Predviđene aktivnosti Ustavnopravne komisije za 2016. godinu zasnivaju se na realizaciji uslova proisteklih iz Programa rada Vijeća ministara BiH, na specifičnim aktivnostima Ustavnopravne komisije koje proističu iz njene nadležnosti utvrđene Poslovníkom Doma naroda Parlamentarne skupštine BiH.

Ustavnopravna komisija Doma naroda Parlamentarne skupštine BiH je stalna komisija. Njen rad i nadležnosti utvrđeni su članom 39. Poslovnika Doma naroda, kojim se ističe sljedeće:

#### **„Član 39.**

(Ustavnopravna komisija)

(1) Ustavnopravna komisija:

- a) prati provođenje Ustava BiH;
- b) razmatra pitanja značajna za ustavni poredak BiH i daje inicijativu za amandmane na Ustav BiH;
- c) ispituje i dostavlja Domu mišljenja o prijedlozima amandmana na Ustav BiH;
- d) kada Dom ocijeni potrebnim, provodi javnu raspravu o prijedlozima amandmana na Ustav BiH ili o prijedlogu zakona, te obavještava Dom o rezultatima javne rasprave;
- e) razmatra prijedloge zakona koje Dom treba usvojiti, u vezi s njihovom usklađenošću sa Ustavom BiH i pravnim sistemom, kao u vezi s pravnom obradom, te Domu podnosi izvještaj s mišljenjem i prijedlozima i pravno-tehničkim ispravkama očiglednih grešaka u tekstu;
- f) razmatra pitanja zakonodavne metodologije i druga pitanja značajna za usklađenost pravno-tehničke obrade akata koje Dom treba usvojiti;
- g) dostavlja mišljenja Ustavnom sudu BiH;
- h) učestvuje u pripremi programa rada iz oblasti zakonodavne aktivnosti Doma;
- i) utvrđuje, zajedno s odgovarajućom komisijom Predstavničkog doma, prečišćeni tekst zakona i drugih propisa kada i ako ih na to ovlaste oba doma PSBiH.

(2) Komisija razmatra pitanja koja se odnose na: pravni sistem, izborni sistem; Vijeće ministara BiH; državne praznike; grb, zastavu i državnu himnu BiH; pečat BiH; državnu administraciju; provođenje međunarodnog i domaćeg krivičnog zakonodavstva; te druga pitanja iz nadležnosti Doma koja nisu u nadležnosti drugih komisija.“

### **2. Opći podaci o aktivnosti Ustavnopravne komisije u 2016.**

U izradi Orijentacionog radnog plana Ustavnopravna komisija, također, koristi mišljenja i sugestije vladinih i nevladinih, domaćih i međunarodnih organizacija koje se bave pitanjima Ustava i pravnog sistema BiH i s kojima saraduje.

U Orijentacionom planu bit će navedene specifične aktivnosti iz domena rada Ustavnopravne komisije, usklađene sa zajedničkim aktivnostima Ustavnopravne komisije Predstavničkog doma Parlamentarne skupštine BiH, a koje su sastavni dio Plana aktivnosti Doma naroda Parlamentarne skupštine BiH.

Orijentacioni radni plan Komisije sadrži pregled najznačajnijih aktivnosti koje će biti realizirane tokom kalendarske 2016. godine. On se utvrđuje na osnovu programa rada Vijeća ministara BiH, kao i drugih podzakonskih akata. Ustavnopravna komisija će, nakon usvajanja Programa rada Vijeća ministara BiH za 2016. godinu, dopuniti svoj Orijentacioni radni plan za 2016. godinu.

U okviru svoje nadležnosti i u skladu s odredbama Poslovnika, Ustavnopravna komisija će uspostavljati i održavati već uspostavljene odgovarajuće vidove saradnje te provoditi parlamentarnu kontrolu kod većeg broja institucija uključujući:

- Pravobranilaštvo Bosne i Hercegovine;
- Ustavni sud Bosne i Hercegovine;
- Sud Bosne i Hercegovine;
- Visoko sudsko i tužilačko vijeće BiH;
- Tužilaštvo Bosne i Hercegovine;
- Ured za zakonodavstvo Bosne i Hercegovine;
- Centralna izborna komisija Bosne i Hercegovine;
- Ministarstvo civilnih poslova Bosne i Hercegovine;
- Ministarstvo pravde Bosne i Hercegovine;
- Agencija za ravnopravnost spolova Bosne i Hercegovine;
- Institut za intelektualno vlasništvo Bosne i Hercegovine;
- Agenciju za državnu službu Bosne i Hercegovine;
- Komisije za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine Bosne i Hercegovine
- Agenciju za antidoping kontrolu Bosne i Hercegovine;
- Agenciju za identifikacione dokumente, evidenciju i razmjenu podataka Bosne i Hercegovine;
- Institut za nestala lica;
- Ured koordinatora za reformu javne uprave.

### **3. Kalednar aktivnosti**

Program rada Ustavnopravne komisije, u 2016. teći će sljedećim redom:

a) Ustavnopravna komisija će **u prvom kvartalu 2016. godine**, u skladu s utvrđenim rokovima, završiti započetu proceduru za razmatranje usaglašenosti prijedloga zakona sa Ustavom BiH i pravnim sistemom kao i za prijedloge zakona iz svoje nadležnosti, i to:

- Prijedlog zakona o izmjeni i dopuni Zakona o ministarstvima i drugim organima uprave BiH, predlagač: Vijeće ministara BiH;
- Prijedlog zakona o štrajku zaposlenih u institucijama Bosne i Hercegovine, predlagač: Vijeće ministara BiH;
- Prijedlog zakona o izmjeni Krivičnog zakona Bosne i Hercegovine, predlagač: delegat Sredoje Nović;
- Prijedlog zakona o Ustavnom sudu Bosne i Hercegovine, predlagač: delegat Sredoje Nović;
- Prijedlog zakona o izmjenama i dopunama Zakona o upravi, predlagač Vijeće ministara BiH;
- Prijedlog zakona o izmjenama i dopunama Zakona o kontroli kretanja oružja i vojne opreme, predlagač: Vijeće ministara BiH;
- Prijedlog zakona o dopunama Zakona o odlikovanjima, predlagač: Vijeće ministara BiH;
- Prijedlog zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu, predlagač: Vijeće ministara BiH.

Ito tako, u toku ovog kvartala razmatrat će prijedloge zakona i drugih akata od ovlaštenih predlagača i dostavljati mišljenja i izvještaje Domu naroda.

b) Ustavnopravna komisija će **u drugom kvartalu 2016. godine** obaviti sljedeće aktivnosti:

- razmatrati prijedloge zakona i drugih akata od ovlaštenih predlagača i dostavljati mišljenja i izvještaje Domu naroda,
- organizirati savjetovanje o prečišćenim tekstovima zakona.

c) Ustavnopravna komisija će **u trećem kvartalu 2016. godine** obaviti sljedeće aktivnosti:

- razmatrati prijedloge zakona i drugih akata od ovlaštenih predlagača i dostavljati mišljenja i izvještaje Domu naroda,
- posjetiti Misiju OSCE-a u BiH,
- organizirati radionicu o zakonodavnoj proceduri u Parlamentarnoj skupštini Bosne i Hercegovine.

d) Ustavnopravna komisija će **u četvrtom kvartalu 2016. godine** obaviti sljedeće aktivnosti:

- razmatrati prijedloge zakona i drugih akata od ovlaštenih predlagača i dostavljati mišljenja i izvještaje Domu naroda,
- posjetiti Ured rezidentnog koordinатора UN-a u BiH,
- organizirati stručno savjetovanje.

#### **4. Provođenje drugih aktivnosti u 2016.**

U 2016. godini Komisija će razmatrati i druge akte koji nisu zakonodavnog karaktera, i to:

- Izvještaj o radu Vijeća ministara BiH za 2015., u dijelu koji se odnosi na aktivnosti iz djelokruga Ustavnopravne komisije, predlagač: Vijeće ministara BiH,
- Izvještaj o radu Pravobranilaštva BiH, predlagač: Pravobranilaštvo BiH,
- Informaciju o radu Tužilaštva BiH za 2015. godinu, predlagač: Tužilaštvo BiH,
- Godišnji izvještaj Visokog sudskog i tužilačkog vijeća BiH, predlagač: Visoko sudsko i tužilačko vijeće BiH,
- Izvještaj o primjeni Jedinstvenih pravila za izradu pravnih propisa u institucijama Bosne i Hercegovine, podnosilac: Ministarstvo pravde BiH,
- Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine Bosne i Hercegovine.

## **5. Saradnja s vladinim, nevladinim i međunarodnim organizacijama**

U realizaciji međunarodne saradnje, kao i poslova edukacije na praktičnim i stručnim pitanjima, s kojima se susreće Ustavnopravna komisija u okviru svojih nadležnosti, posebnu pomoć pružaju Ured rezidentnog koordinatora UN-a u Bosni i Hercegovini, Misija OSCE-a u BiH, kao i USAID.

U okviru realizacije projekta „Izgradnja institucionalnih kapaciteta ustavnopravnih komisija Parlamentarne skupštine BiH“ planiran je nastavak saradnje s Uredom rezidentnog koordinatora UN-a u BiH i u 2016 i održavanje radionica. Podrška UN-a zasniva se naročito na sljedećem:

- institucionalna izgradnja kapaciteta (posebno jačanje ljudskih resursa na stručnom i operativnom nivou),
- parlamentarne zakonodavne procedure i modaliteti formuliranja javnih konsultacija u bilo kakvom procesu ustavnih pregleda,
- dugoročna podrška profesionalnom razvoju stručnog osoblja.

Također, planiran je nastavak saradnje s Misijom OSCE u BiH, kao i sa USAID-om, o temama koje budu važne i aktuelne za Ustavnopravnu komisiju.

Predsjedavajući  
Ustavnopravne komisije  
Halid Genjac